

इपिसुस सहरतोर विस्वसिरेनाहकु, किर्स्तुना बळयि पोलु लोहतद सीटि

इद सीटटुन रासवाल येसुना बळयि पोलु आंदोग. पोलु इद सीटटुन रोम सहरता जेलतगा मतस्के, इपिसुस सहरतोर विस्वसिरेनाहक रासतोग. इपिसुस सहर आसिया पटटा मोदुल सहर मता. अद पका बेरा सहर मता. अद सहरतगा पोलु कीतद सेवाताड पोल्लोड बळयिराड कबस्क इद पुस्तकता 19 अदू ययतगा मन्हाताड.

पोलु इद सीटटुन बाराहक रासतोग इतेके, पोगोटा बूमतगा मनदनव ओसो इळता बूमतगा मनदनव सबेटविन येसु किर्स्तुना कयदे इयलाहि, देवुळि मुनेन विचर कीस तासता. इद पोल्लोटुन पोकुर कीयलाहि, पोलु इद सीटि रासतोग. ओसो यहुदिर, यहुदि आयवोर उंदिय आया पगवोर इनजोर, इपिसुसतोर विस्वसिर इंदुर. मति किर्स्तुन विस्वस कीतोर उंदिय मुल आतोर. ओर उंदिय मेंदुल आतोर. किर्स्तुना मेंदुलता लेहकाडोर आतोर. देवुळता जीवा मनदनद जागा आतोर. ओसो विस्वसिर देवुळताड पिलाड-पेकोर आताहकु, ओर्विहक-ओर्वोग जीवा कीम्हटु इनजोर, पोलु इद सीटटगा रासलाह आतोग.

मुनेताड पोल्लोड

1 नना पोलुनन, देवुळता विचर मतपु, येसु किर्स्तुना बळयिनन आतन.✱ मीट इपिसुस सहरते मनवालोर देवुळता मन्कलोरिहक इद सीटि रासलाह आतन. मीट किर्स्तुं येसुन विस्वस कीसोर दायलाह आतिर.

2 मावा देवुळबाबानाहि ओसो किर्स्तुं येसुसामिनाहि मीक सुकमि, देखा दोर्कि.✱

किर्स्तुना मेटे माक दोर्कतद बर्कत

3 देवुळतुहक जोहर आयि! अद तना मगि किर्स्तुना मेटे, पोगोन देवुळदीपतगा मनदनव सबे देखान माक ईता.✱

✱ 1:1 1:1 रोम सहरतोर 1:1; तीतुस 1:1-4 ✱ 1:2 1:2 रोम सहरतोर 1:6-7 ✱ 1:3 1:3 2 कुरिततोर 1:3

4 इतेके ताना मुनेह माट पवित्र मनदना, बाताले कसुरलेवा मनदना इनजोर, ✨ इद बूमतुन पुटिह कीयनामुनेन, माक किर्स्तुना मेटे आचता. ✨

5 माक जीवा कीसि, येसु किर्स्तुना मेटे तनाङ्कः पिलाङ्क-पेकोर कीयलाहि, ✨ माक मुनेन आचता. ✨ इद्रम कीयलाहि मुनेन विचर कीस मता, अहे ताना गिर्दा मता.

6 ताना जीवा कीतोः मगि ✨ किर्स्तुना लोकरल माट आताहकु, अद मावा पोगोन लेकालेवा दया कीता. माट तान मान ईसि जोहर कीयना इनजोर, माक अद्रम दया कीता.

7 मावा पोगोन पका दया कीता, ✨ अदिनेनाहक तना मगि नेतुर पोहच डोलताहकु, ✨ मावा पापमतुन मापि कीसि, ✨ ओना मेटे माक पापमताहि विळिसह कीता. ✨

8 माक आलिस पिसनाह दया कीता, अदिनेनाहक सबे रीतिना बुदि ओसो तेल्व ईता.

9 देवुळि मुने मकिह कीस तासिस मतद पोल्लोतुन, इंजेके माक पुनाह कीता. ✨ इद्रम कीयलाहि ताना गिर्दा मता. मुनेन तना विचर कीस मतपु, ✨ किर्स्तुना मेटे इंजेके अद पोल्लोतुन पेसिह कीता.

10 अद पोल्लो इद्रम मन्हाता: देवुळि तना विचर कीतद कगो एवतस्के, ✨ पोगोटा बूमतगा मनदनव, ओसो इळता बूमतगा मनदनव, सबेटविन जमा आनाह कीसि, येसु किर्स्तुना कयदे ईयनदु. ✨

11 ओना संगे माक जोळे कीसि, तना मन्कलोर कीयलाहि माक आचता. ✨ तना विचर कीस मतपु, माक मुनेन आचता. ✨ अद तना बेद्रम विचर कीता, अद इसबते सबे कीता. ✨

12 इतेके मुनेन किर्स्तुना पोगोन आसा तासतोरल माटु, देवुळतुहक मान ईसि जोहर कीयना इनजोर, अद्रम कीता.

✨ **1:4 1:4** 5:27; कुलुसितोर 1:22 ✨ **1:4 1:4** 2:10; 2 तिसलुनितोर 2:13-14; 2 तिमोति 1:9; 1 पत्रु 1:20 ✨ **1:5 1:5** रोम सहरतोर 8:14-15 ✨ **1:5 1:5** रोम सहरतोर 8:29 ✨ **1:6 1:6** मत्याल 3:17; मार्कल 1:11; लूकाल 3:19-22; कुलुसितोर 1:13 ✨ **1:7 1:7** रोम सहरतोर 2:4; इपिसुसतोर 2:4,7; 3:8 ✨ **1:7 1:7** बळयिर 20:28; रोम सहरतोर 3:25-26 ✨ **1:7 1:7** बळयिर 2:38 ✨ **1:7 1:7** रोम सहरतोर 3:24 ✨ **1:9 1:9** रोम सहरतोर 11:25; 16:25; इपिसुसतोर 3:5-6 ✨ **1:9 1:9** रोम सहरतोर 8:28 ✨ **1:10 1:10** मार्कल 1:15; गलातितोर 4:4 ✨ **1:10 1:10** पिलिपितोर 2:10; कुलुसितोर 1:15-16,20 ✨ **1:11 1:11** व्यवस्थाविवरण 4:20; तीतुस 2:14 ✨ **1:11 1:11** रोम सहरतोर 8:29 ✨ **1:11 1:11** 3:11

13 मीक पिसिह कीयनद बेसता कबुरता सेतेमतुन, मीट केंजिसि किर्स्तुन विस्वस कीतिर. ✨ विस्वस कीताहकु, देवुळि पोल्लो विळिसस मतपु, तना पवित्र जीवातुन मीवा पोगोन वने उदिह कीता. ✨ कीसि मीवा पोगोन किर्स्तुना मन्कलोर इनजोर, सीना तासतप लेहका कीता. ✨

14 अद मयेनाहक तासतव बेसताड पोल्लोनु, पेगके माट दोर्किह कीकल इनजोर, ✨ तना जीवातुन इंजेकेन इसर ईतप लेहका माक ईता. देवुळि माक पूरा विळिसह कीयनद दिया एवनाह, ✨ अद इसर मन्हता. ✨ माट तान्क मान ईसि जोहर कीयना इनजोर, देवुळि अद्रम कीता.

पोलु विस्वसिरेनाहक पार्तना कीस्तोग

15 अदिनेनाहक देवुळि माक इचोन कीसीताहकु, मीट येसुसामिन विस्वस कीतदिन, ओसो देवुळता सबेटोर लोकरिन मीट जीवा कीयनदिन, नना केंजताहकु, ✨

16 नना पार्तना कीयहपा, मियेनाहक ऊक-ऊके पार्तना कीसोर महनन. ✨ ओसो देवुळतुन जोहर कीसोर महनन. ✨

17 नना इद्रम पार्तना कीयहनन: मावा येसुसामि किर्स्तुना देवुळतुन, डीसातोग बाबान मीट पूरा पुनदना इन्जि, ✨ ओग मीक तना बुदि ईयेग, तनाड विचर्किन मीक पुन्पिह कीयेग. ✨

18 बेचोक बेसताड पोल्लोन आसा कीयलाहि तना माक केयता, ✨ अचोकिन पुनदलाहि; ओसो मीट नावा पका मोलातोर मन्कलोरि इन्जि, देवुळ मीक इन्हता. ✨ इदिन पुनदलाहि, देवुळि मीवा बुदतगा पुन्पिह कीयि. ✨

19-20 ओसो हामुरतगडाहि किर्स्तुन जीवा अर्हचि, ✨ देवुळदीपतगा तना तिनळ बाजे राजेम ताकिह कीयलाहि उदिह कीयहपा, ✨ अद बेरा लाव तोहता. माट विस्वस

✨ **1:13 1:13** 4:21; कुलुसितोर 1:3-5; याकुब 1:18 ✨ **1:13 1:13** लूकाल 24:49; बळयिर 1:4-5; गलातितोर 3:13-14 ✨ **1:13 1:13** 4:30 ✨ **1:14 1:14** बळयिर 20:32 ✨ **1:14 1:14** 1 कुरिततोर 1:30 ✨ **1:14 1:14** 2 कुरिततोर 1:22 ✨ **1:15 1:15** पिलेमोन 4-5 ✨ **1:16 1:16** रोम सहरतोर 1:9-10; कुलुसितोर 1:9-10 ✨ **1:16 1:16** रोम सहरतोर 1:8 ✨ **1:17 1:17** 4:13 ✨ **1:17 1:17** 1 कुरिततोर 14:6 ✨ **1:18 1:18** 4:4; कुलुसितोर 1:25-27; 2:1-3 ✨ **1:18 1:18** 3:16 ✨ **1:18 1:18** कुलुसितोर 1:9-10 ✨ **1:19-20 1:19-20** बळयिर 2:24 ✨ **1:19-20 1:19-20** मार्कल 16:19; बळयिर 2:33; इपिसुसतोर 2:6

कीतोरा तोळ आयलाह, तानगा अदे बेरा लाव मन्हता, ताना लाव बेस्केन मारो, ✨
इदिन मीक पुन्पिह कीयि इनजोर, पार्तना कीय्हनन. ✨

21 अदिकर ताकिह कीयनव देवतुल्कु, देयहकु, इव सबेटविहकाय किर्स्तुय
बेरोग आंदोग. ✨ इंजेके वने, वायनद कालमते वने, अदिकरताड पेदिर्क बेचोक
मन्हताड, अव सबेटविहकाय ओनाय पेदिर बेरा आंदु. ✨

22 सबेटविन ओग ताकिह कीयेग इनजोर, देवुळि ओना कयदे ईता. ✨ ओने
सबेटविन ताकिह केवाल कीसि, विस्वसिरा मुडुन ताकिह कीयलाह वने, ओने
निल्पिह कीता. ✨

23 किर्स्तु विस्वसिरा मुडा तलाता लेहकाडोगु, ✨ विस्वसिर बार ओना मेंदुलता
लेहकाडोर. ✨ विस्वसिरा मुलु ओसो किर्स्तु, उंदिय मेंदुल आतोर. ओसो सबे
पोल्लोन पूरा कीसेवाल किर्स्तुये. ✨

2

विस्वसिरा पिसमुळि बेद्रम बद्लेम आता

1 मीट मुने देवुळताड अडोनू बूळे कीसोर मतिर, ओसो पापम कीसोर मतिर.
अदिनेनाहक डोलतप लेहका मतिर. ✨

2 देवुळतुन पुनवोर ताकिहतोर, अदे अगदे मीट मुने ताकिदिर. ✨ पोगोन वळदे
मनदनव देयहकना मुख्याल बह ताकिह कीदु, अद्रमलेहकाने ताकिदिर. इंजेक वने
देवुळताड पोल्लोड केंजवोरिन, अवे देयहकना मुख्याल ताकिह कीस्ता. ✨

3 निटमे माट सबेटोरल वने, ओरा लेहकाने ताकिदल. मावा लाग्वा बुदि बेद्रम
लालुस कीदु, अद्रमे कीदल. ✨ मावा मेंदुलि ओसो मावा बुदि बेद्रम ओसोर मंदु,

✨ **1:19-20 1:19-20** 3:7; पिलिपितोर 3:21; 1 पत्र 4:11 ✨ **1:19-20 1:19-20**
3:7; 6:10; कुलुसितोर 1:29 ✨ **1:21 1:21** 3:10; 6:11-13 ✨ **1:21 1:21** मत्याल
28:18; इपिसुसतोर 4:10; कुलुसितोर 1:16; 2:10 ✨ **1:22 1:22** देवुळताड पाटाड 8:6; 1
कुरिततोर 15:27 ✨ **1:22 1:22** 4:15; 5:23; कुलुसितोर 1:18; 2:19 ✨ **1:23 1:23**
1 कुरिततोर 11:3 ✨ **1:23 1:23** 1 कुरिततोर 12:27 ✨ **1:23 1:23** 3:18-19; 4:10;
कुलुसितोर 3:11 ✨ **2:1 2:1** 4:18; कुलुसितोर 2:13-14 ✨ **2:2 2:2** 5:6; कुलुसितोर
3:7 ✨ **2:2 2:2** योहन 12:31; इपिसुसतोर 4:17; 6:11-13; 1 पत्र 4:3 ✨ **2:3 2:3**
1 योहन 2:15-16

अद्रमे लाग्वाड कबस्क कीसोर मंदल. ✧ लाग्वाड कबस्क कीसोर मनाहकु, देवुळि लाग्वोर सबेटोरिहक निटम सिक्सा ईयना लेहका, माक वने सिक्सा ईस मनालि. ✧

4 मति मावा पोगोन देवुळ वेल्लाय वीळिस जीवा लोपता. ✧ माक अद पका जीवा कीताहकु, ✧

5 बह कीता इतेके, मावा पापमते माट डोलतोर लेहकान मतल, मति माक पूना पिसमुळ ईसि, किर्स्तुना संगे माक वने जीवा अर्हता. देवुळि दया कीताहके, मीट पिसतिर. ✧

6 किर्स्तु येसुना संगे माक जोळे कीसि, ओना संगे माक वने जीवा अर्हता, ✧ अर्हचि पोगोन देवुळदीपतगा किर्स्तु उदिस राजेम ताकिह कीयनद जागातगा, ✧ माक उदिह कीता.

7 किर्स्तु येसुन लोहचि, माक पका जीवा कीसि, माक वेहता वावप वेल्लाय दया कीता इनजोर, ✧ वायनद कालमते सबेटोरिन तोहतलाह, अद्रम कीता. ✧

8 देवुळि मीक दया कीताहकु, मीट किर्स्तुन विस्वस कीतिर, अदिनेनाहक मीक पिसिह कीता. ✧ देवुळता पिसमुळतुन दोर्किह कीयलाह, मीट बाताले केविर; इद पूरा देवुळता दर्मम आंदु. ✧

9 अदिनेनाहक नना बेसताड कबस्क कीताहकु, देवुळि नाक पिसिह कीता इनजोर, मियगा बोगे बह पोगायमाकेग. ✧

10 निटमे देवुळिये माक किर्स्तु येसुना संगे जोळे कीसि, माक पूना पुटमुळ, पूना जीवा ईता. ✧ किर्स्तुना संगे जोळेम आसि, माट बेसताड कबस्क कीसोर ताकना इनजोर, ताना विचर मता. ✧ अव कबस्किन अद मुनेन तयर कीता.

किर्स्तुना मेटे सबेटोर विस्वसिर उंदिये

11 पुटगडाहि मीट यहुदि आयवाहकु, डायना रिवज केविर. डायना रिवज कीतोम इनजोर इनवालोर, यहुदि मन्कलोर आंदुर. मीक डायना रिवज केवोर इनजोर, वेर यहुदिर पास्किह्तोर. (डायना रिवज वने तमा मेंदुलतगा, मन्कना

✧ 2:3 2:2-3 1 कुरिततोर 6:11; गलातितोर 5:16-17 ✧ 2:3 2:3 रोम सहरतोर 1:18; कुलुसितोर 1:21; 2 पत्रु 2:14 ✧ 2:4 2:4 1:7; तीतुस 3:4-5 ✧ 2:4 2:4 योहन 3:16 ✧ 2:5 2:5 बळयिर 15:11 ✧ 2:6 2:6 कुलुसितोर 2:12 ✧ 2:6 2:6 1:19-20 ✧ 2:7 2:7 रोम सहरतोर 2:4; इपिसुसतोर 1:7 ✧ 2:7 2:7 1 तिमेति 1:16; तीतुस 3:4-5 ✧ 2:8 2:8 बळयिर 15:11; रोम सहरतोर 5:2; 1 पत्रु 1:4-5 ✧ 2:8 2:8 रोम सहरतोर 3:24; इब्रितोर 6:4-6 ✧ 2:9 2:9 रोम सहरतोर 3:28; 1 कुरिततोर 1:29; 2 तिमेति 1:9 ✧ 2:10 2:10 गलातितोर 6:15 ✧ 2:10 2:10 1:4; 4:1,24; 2 तिमेति 2:21; तीतुस 2:14

कयदे कीयनद कबळ आंदु.)✧ किर्स्तुन विस्वस केवस्के, मीट बेद्रम मतिर, अदिन सीता कीस ऊळाटु.✧

12 अस्के मीट किर्स्तुना संगे कलियवा मतिर; इस्रयेल मन्कलोरा मुल आयवा मताहकु, मीक देवुळता सास्त्रम दोर्को.✧ देवुळि इस्रयेल मन्कलोरिन वेल्लाडे मल्काड तना पोल्लो करल कीस मता,✧ मीट अव करल्कनगा कलियविर आस मतिर. इद बूमतगा आसालेवा, देवुळलेवा मतिर.✧

13 मुने देवुळतगडाहि मीट जेक मतिर. मति इंजेके किर्स्तु येसुना मेटे, देवुळि मीक तना एरे तता.✧ किर्स्तु तना नेतुर पोहच डोलताहकु, देवुळ अद्रम कीता.✧

14 यहुदिरिन ओसो यहुदि आयवोरिन ओग कलियिह कीसि, माक उंदिय मुल कीतोग. मावा नडुम गूरे अडम आतप लेहका, माट रेंड तुंगाड आसि, कलियवा मतल. मति किर्स्तु तना डोलिसि, मावा नडुम गूरेता लेहका, अडम मतद कोटुलतुन पिळहपळ कीतोग.✧

15 यहुदिरिन ओसो यहुदि आयवोरिन, पूना मन्कन पुटिह कीतप लेहका, कतमतोरिन उंदिय कीतोग. इद्रम रेंड आसि तुंगाना मुडुन कलियिह कीतोग.✧ अद्रम काल्हपलाहि, मोसानाड अडोना रीतरिवज्किन मायिह कीतोग. इद्रम यहुदिर ओसो यहुदि आयवोरिन कलियिह कीतोग.✧

16 हक्कनागुटातगा डोलताहकु, रेंड आस तुंगाना मुडोर ओर्विहक-ओर्वोग पोस मतद कोटुलतुन मायिह कीतोग. अद्रम डोलताहकु, इकेडा-अकेडा मुडुन, देवुळता संगे कलियिह कीस, उंदिय मेंदुलतोर कीसीतोग.✧

17 किर्स्तु वासि, देवुळता संगे कलियनद कबुरतुन पोकर कीतोग.✧तानगडाहि जेक मतोरिर, मीक वने अदे कबुर पोकर कीतोग. ताना एरे मतोरिहक वने अदे कबुरतुन पोकर कीतोग.✧

18 बह इतेके, इंजेके देवुळतगडा जीवा, यहुदिरगा ओसो यहुदि आयवोरगा

✧ 2:11 2:11 रोम सहरतोर 2:26,28 ✧ 2:11 2:11 5:8 ✧ 2:12 2:12 रोम सहरतोर 9:4; कुलुसितोर 1:21 ✧ 2:12 2:12 गलातितोर 3:17; इब्रितोर 8:6 ✧ 2:12 2:11-12 1 कुरिततोर 12:2; गलातितोर 4:8; इपिसुसतोर 4:18; 1 तिसलुनितोर 4:13 ✧ 2:13 2:13 यशायाह 57:19; बळयिर 2:39 ✧ 2:13 2:13 रोम सहरतोर 3:25-26; कुलुसितोर 1:20 ✧ 2:14 2:11-14 यशायाह 9:6; रोम सहरतोर 11:17; 1 कुरिततोर 12:13; गलातितोर 3:28; कुलुसितोर 3:11,15 ✧ 2:15 2:15 गलातितोर 3:28; 6:15; कुलुसितोर 1:21-22; 3:10-11 ✧ 2:15 2:15 कुलुसितोर 2:13-14 ✧ 2:16 2:16 2 कुरिततोर 5:18; इपिसुसतोर 3:5-6; 4:4; कुलुसितोर 1:20,22; 3:15 ✧ 2:17 2:17 बळयिर 10:36 ✧ 2:17 2:17 यशायाह 57:19

वने मन्हता. अदिनेनाहक इंजेके माट रेंड आस तुंगाना मन्कलोरल, किर्स्तुना मेटे देवुळबाबानगा दाय्या पगायहनल.✧

19 यहुदि आयवोरिर, मीट मुने देवुळतुन पुनवालेवा, ताना मन्कलोरगा कलियवा मतिर.✧ इंजेके ओरा संगे देवुळता मन्कलोरिर आतिर, ओरा संगे ताना लोतोरिर वने आतिर.✧

20 जोता दोहचि ताना पोगोन लोन पंडटप लेहकाने, किर्स्तुनाड बळयिर ओसो देवुळता जीवाते वळ्हकवालोर कागहतव पोल्लोनाहि, देवुळ वने मीट विस्वसि मुडुन निल्पिह कीयलाह आता.✧ किर्स्तु येसुये ताना मूलाता आदर बंडालेहका आतोग.✧

21 (मीट विस्वसि मुलु ओना संगे जोळेम आस महनिर.) लोन पंडिहपा, पूरा लोतुन बेस जोळे कीसोर अतप लेहका, मीट सामि मनदनद पवित्र लोन आयलाहि, किर्स्तु मीक तग्हचोर दायलाह आतोग.✧

22 किर्स्तुना संगे मीट जोळेम आताहकु, ओग मीक वने दुसोर विस्वसिरा संगे, जोळे कीसोर दायलाह आतोग. ओसो मीट देवुळता जीवा मनदनद जागा आयलाहि,✧ मीक विस्वसि मुडुन पंडसोर दायलाह आतोग.✧

3

यहुदि आयवोरगा सेवा कीयलाहि, देवुळि पोलुन आचता

1 इव सबे पोल्लोन सीता कीसि, नना पोलुनन (मियेनाहक पार्तना कीयहनन) ...*
नना मीट यहुदि आयवोरगा, किर्स्तु येसुना कबळ कीताहके,✧ जेलते महनन.✧

2 मियेनाहक इद कबळ कीयलाहि, देवुळि नाक देव्या ईता,✧ इद पोल्लोतुन वने मीट केंजिस मनदकिर.

✧ **2:18 2:18** रोम सहरतोर 5:2; 1 कुरिततोर 12:13; इपिसुसतोर 3:12; 4:4; इब्रितोर 4:16; 7:25; 10:19-20,22 ✧ **2:19 2:19** 1 पत्र 2:11 ✧ **2:19 2:19** पिलिपितोर 3:20; इब्रितोर 12:22-23 ✧ **2:20 2:20** मत्थ्याल 16:18; 1 कुरिततोर 3:10; इपिसुसतोर 3:5-6 ✧ **2:20 2:20** देवुळताड पाटाड 118:22; लुकाल 20:17; 1 कुरिततोर 3:11 ✧ **2:21 2:21** 4:15-16; कुलुसितोर 2:19 ✧ **2:22 2:22** 3:17 ✧ **2:22 2:20-22** 1 कुरिततोर 3:9,16 * **3:1 3:1** पोलु इगा पार्तनाता पोल्लोतुन रोमिह कीस्तोग, दुस्राड पोल्लोन वेहता बोटिह्तोग. पया वचन 14 अगा पार्तनाता पोल्लोतगा मलस वास्तोग. ✧ **3:1 3:1** 2 कुरिततोर 1:6 ✧ **3:1 3:1** 4:1; 2 तिमोति 1:8; पिलेमोन 1-2,8-9,23 ✧ **3:2 3:2** 1 कुरिततोर 9:17; कुलुसितोर 1:25-27

3 देवुळि तना मकिस मतद पोल्लोतुन नाक तोहचीता, ✨ अद पोल्लोता लोप्पा नना पोगोन उचुन-उचुन रासतन. ✨

4 नना रासतन अव पोल्लोन मीट अर्वतस्के, किर्स्तुना लोप्पा मकिस मतद पोल्लो, नाक बेद्रम तेळियता इनजोर, मीट पुनदकिर. ✨

5-6 अद पोल्लो इद्रम मन्हता: यहुदि आयवोर बेसता कबुरतुन विस्वस कीतोर, कीताहकु देवुळता बर्कत किर्स्तुन विस्वस कीतोर यहुदिरा संगे, ओरिहक वने दोर्किहता. ✨ ओर ओसो यहुदि विस्वसिर, उंदिय मेंदुलतोर आतोर. ✨ अदिनेनाहक किर्स्तु येसुनोरेनाहक, देवुळि पोल्लो विळिसस मतविन, पूरा दोर्किह कीतोर. ✨ देवुळि तासिस मतद इद पोल्लोतुन, मुनेटा कालमतोर मन्कलोरिहक तोहवा मता. मति इंजेके किर्स्तुनाडः पवित्र बळयिरिहक, ओसो देवुळता कबुरतोरिहक, तना जीवाता मेटे तोहचीता. ✨

7 देवुळि नयगा तना लावतुन पका ताकिह कीताहकु, ✨ नाक इद बेसता कबुरतुन पोकर कीयनद सेवाता देव्या दोर्कता. ✨

8 देवुळता मन्कलोर सबेटोरिहकाय, ननाय ओसोय उडुलोनन. ✨ तेला मति देवुळि नाक इद देव्या ईता: इतेके किर्स्तुनगा बेचोन लेकालेवा बर्कत दोर्किहता इनजोर, ✨ यहुदि आयवोरगा अन्जि, कबुर वेहतनद सेवा नावा कयदे ईता. ✨

9 सबेटविन पुटिह कीतद देवुळि, ✨ इद पोल्लोतुन मुने वेल्लाय जोम आनाह, पुन्पिह केवा तासिस मता. मति इंजेके अद पोल्लोतुन सबेटोर मन्कलोरिहक तोहतनद कबळतुन वने, नाक देव्या कीसि ईता. ✨

10 इद्रम आसि विस्वसिरा मुडा मेटे, पोगोटा बूमतगा मन्जि अदिकर ताकिह कीयनव देवतुल्किनु, देयहकिनु, ✨ देवुळि उंद पोल्लो तोहतना मता. अद बेद इतेके, सबे पोल्लोने ताना बुदि बेचोटा बेरा मन्हता इन्जि, अव पुनिड इनजोरे. ✨

11 सुस्मुनेताहि देवुळि इद्रम कीयलाहि, विचर कीस मता. ✨ इंजेके मावा सामि

✨ 3:3 3:3 रोम सहरतोर 11:25; 16:25; 1 कुरिततोर 2:9-10; 2 कुरिततोर 12:1; इपिसुसतोर 6:19-20; 2 पत्र 3:15 ✨ 3:3 3:3 1:9-10 ✨ 3:4 3:4 2 कुरिततोर 11:6 ✨ 3:5-6 3:5-6 गलातितोर 3:29 ✨ 3:5-6 3:5-6 2:16 ✨ 3:5-6 3:5-6 रोम सहरतोर 8:17 ✨ 3:5-6 3:5-6 1 कुरिततोर 2:9-10; 12:28; इपिसुसतोर 1:9; 2:20; 2 पत्र 3:2 ✨ 3:7 3:7 1:19-20 ✨ 3:7 3:7 1 कुरिततोर 3:5; इपिसुसतोर 1:19-20; कुलुसितोर 1:23 ✨ 3:8 3:8 1 कुरिततोर 15:9 ✨ 3:8 3:8 1:7 ✨ 3:8 3:8 बळयिर 9:15; 1 तिमोति 2:7 ✨ 3:9 3:9 तोहचीतव पोल्लोड 4:11 ✨ 3:9 3:9 रोम सहरतोर 11:25; 16:25; इपिसुसतोर 6:19-20 ✨ 3:10 3:10 1:21; 6:11-13; कुलुसितोर 2:10,15 ✨ 3:10 3:10 रोम सहरतोर 11:33; 1 कुरिततोर 2:7 ✨ 3:11 3:11 1:11

किर्स्तु येसुना कयदे तान पूरा कीता.

12 येसु किर्स्तुना संगे माट जोळेम आताहकु, ओन विस्वस कीताहकु, इंजेके रेयवालेवा, दीराते, बर्वसते, देवुळता एरे माट दाया पगयहनल.✧

13 अदिनेनाहक नना जेलतगा मियेनाहक सिक्सा आयनदिन ऊळिस, मीट आरेम आयमाटु इनजोर, मीक वेहतहनन.✧(किर्स्तुनगा मनदनद बर्कततुन, मीट यहुदि आयवोरगा एव्हिह कीताहके, नाक इद्रम आता इतेके,) नावा तिपल्लतेनाहक वने, मीवाय पायदा आस्ता.✧

किर्स्तु माक बेचोन जीवा कीतोग

14 (अद्रमलेहकाने देवुळि मीट यहुदि आयवोरिहक कीतव) सबेटविन सीता कीसि, नना मिंडाड कोटिसि, पोगोटोग देवुळबाबान (मियेनाहक पार्तना कीयहनन):

15 पोगोटाड आयिड, बूमतोर आयिर, सबेटोराड लोहकना पेदल इतेके पोगोटोग देवुळबाबाले.

16 ओन इद्रम पार्तना कीयहनन: ओना पका बेरा डीसाता इसबते,✧ मीवा जीवातुहक, तना जीवाता मेटे, पका लाव ईयेग.✧

17 ओसो मीट किर्स्तुन विस्वस कीताहकु, मीट ओना गूनमते ऊटिस, मेग्निस मनदना इन्जि,✧ ओग मीवा जीवातगा जागा आयेग.✧

18-19 अह मतेके, वेहता वावप अचोन लेकालेवा,✧ किर्स्तु माक जीवा कीस्तोग इनजोर,✧ मीटु ओसो देवुळता मन्कलोर सबेटोर पुनजोर दाकिर. अद्रम आसोर, मीवा गून देवुळता गूनता लेहका बाताले कमिलेवा मनदगा.✧

20 इंजेके देवुळि मावा जीवातगा तना लावते कबळ कीसोरेन मन्हता.✧ माट बेचोन ताल्हकिहनल, विचर कीयहनल, तान्काय वीळिस-वीळिसि कबळ कीसीया पगयहता.✧

21 विस्वसिरा मुडगा ओसो किर्स्तु येसुनगा, तान्क अमेसा-अमेसातुहक मान दोर्कसोरेन मनि.✧ आमैन.

✧ **3:12 3:12** रोम सहरतोर 3:21-23; 2 कुरिततोर 3:4; इपिसुसतोर 2:18; इब्रितोर 10:35; 1 पत्र 3:18; 1 योहन 2:28 ✧ **3:13 3:13** 2 कुरिततोर 4:1 ✧ **3:13 3:13** 2 कुरिततोर 1:6 ✧ **3:16 3:16** 1:18 ✧ **3:16 3:16** रोम सहरतोर 7:22; 1 कुरिततोर 16:13; 2 कुरिततोर 12:9 ✧ **3:17 3:17** 1 कुरिततोर 3:6; कुलुसितोर 1:23; 2:7 ✧ **3:17 3:17** योहन 14:23; इपिसुसतोर 2:22 ✧ **3:18-19 3:18-19** पिल्लिपितोर 4:7 ✧ **3:18-19 3:18-19** रोम सहरतोर 8:35-36,38-39 ✧ **3:18-19 3:18-19** 1:23; कुलुसितोर 2:10 ✧ **3:20 3:20** रोम सहरतोर 16:25 ✧ **3:20 3:20** 2 कुरिततोर 9:8 ✧ **3:21 3:21** रोम सहरतोर 11:36

4

उंदिय मेंदुलि मति दुस्राड-दुस्राड कबस्कु

1 इव सबे पोल्लोनेनाहकु, देवुळि मीक तना मन्कलोर आयना इन्जि केयता, तेन सीता कीसि, तान्क विचर वातपु ताकाटु. ✧ मीट इद्रम ताकना इन्जि, नना सामिनेनाहक जेलते मनवानन, ✧ मीवाड काल्काय अरयहनन.

2 इतेके मीटु उड्ला बुदतोरिर आम्हटु, कुलुल बुदते मन्हटु, दुस्रोग मीक तिपल कीतेक वने, ओड आयवा केमेन मन्हटु. ✧ दुस्रोरा तपतुन गूनमते आपिसि, ओर्विहक-ओर्वोग जीवा कीम्हटु. ✧

3 देवुळता गूनमते ताना जीवा मीक कलियिह कीता, अदिहक मीट पूरा जीवाताहि, उंदि एकाते मनदलाह ऊळाटु. ✧

4 सबेटोर विस्वसिरा मुल उंदिय मेंदुलि. ✧ अद मुडगा मनदनद देवुळता जीवा उंदिय आंदु. सबेटोर विस्वसिरिन देवुळ उंदिय आसाते पिसलाह केयता. ✧

5 येसुसामि वगोगे मावा सामि. ✧ माट कतमतोरल ओनाय पेदिरते एग मीतल. ओसो विस्वसता उंदिय अगदे ताकिहनल.

6 मावा कतमतोरा ओर्वोगे देवुळबाबाल आंदोग. ओग माक कतमतोरिन ताकिह कीस्तोग. मावा कतमतोरा मेटे तना बुदतुन पुन्पिह कीस्तोग. मयगा कतमतोरगा जागा वने आस्तोग. ✧

7 मति किस्तु तना विचर कीतद इसबते, अलग-अलग सेवातेनाहक, माक ओर्वोग-ओर्वोग मन्कहक देव्वा तूसिस ईतोग. ✧

8 देवुळता सास्त्रमतगा, तेना लोप्पा मुनेन रासतद मन्हता:
ओग पोगोन अतोग अद वेलाते,

तना पोस दोहतोर कोंटेतोरिन तना पेगके वाटिस ओतोग. ✧

लोकुरिहक बेसतल माल ईतोग ✧*

✧ 4:1 4:1 2:10; पिलिपितोर 1:27; कुलुसितोर 1:9-10; 2:6; 1 तिसलुनितोर 2:11-12; 4:1

✧ 4:1 4:1 3:1 ✧ 4:2 4:2 1 पत्रु 3:8 ✧ 4:2 4:2 कुलुसितोर 3:12-13 ✧ 4:3

4:3 कुलुसितोर 3:14-15 ✧ 4:4 4:4 रोम सहरतोर 12:4-5 ✧ 4:4 4:4 1 कुरिततोर

12:4-6; इपिससतोर 1:18; 2:16,18 ✧ 4:5 4:5 1 कुरिततोर 8:6 ✧ 4:6 4:6 रोम

सहरतोर 11:36 ✧ 4:7 4:7 रोम सहरतोर 12:3; इब्रितोर 2:3-4 ✧ 4:8 4:8 कुलुसितोर

2:15 ✧ 4:8 4:8 देवुळताड पाटाड 68:18 * 4:8 4:8 मुनेटा कालमते लळयतुहक अतोर

सीपयकु, तम्क ओरेम आतोरिन दोहचि तंदुर, ओसो ओरेम आतोर लोकुरगडाह दोर्कतद मादुन तमा लोकुरिहक

तूसिस ईदुर. अद्रमलेहकाने देवुळता कोंटेतोरिन, किस्तु आरे कीसि माक देव्वा ईतोग.

इनजोर रासतद मन्हता.✧

9 (पोगोन अतोग इनजोर इतेके, मुनेन ओग इळ्ता बूम एवनाह रेगतोग इनजोर आस्ता.

10 इळ्ण रेगतोगु, पोगोन तऱड-तोगु, ओवोर्गे आंदोग, ओग किस्तुये. सबेटविन पूरा ताकिह कीयलाहि, ✧ पोगोटा बूमतुहकाय अबर अतोग.✧)

11-12 देवुळता मन्कलोरिन ताना सेवातेनाहक ओपे कीयलाहि, किस्तुन विस्वस कीतोरा मुलु, विस्वसते बेस मेगिस मनदलाहि, ✧ अलग-अलग सेवातेनाहक, विस्वसिरिन निल्पिह कीतोग. ✧ उच्चुरिन ओनाड बळयिर आयलाह निल्पिह कीतोग; उच्चुरिन देवुळता जीवाते वळहकवालोरे आयलाह, उच्चुरिन बेसता कबुर पोकर कीसोर तिरियलाह, ✧ उच्चुरिन विस्वसिरा मुडुन ऊळेवाळे कीसोर ओरिन काऱहतलाह ✧ निल्पिह कीतोग. ✧

13 माट सबेटोरल उंदिय एकाते, देवुळता मगिन विस्वस कीसोर ओन पुनजोर मनदना, ✧ सबे पोल्लोने किस्तुं बेद्रम बाताले कमिलेवा मन्हतोग, अद्रमलेहकाने माट वने आयना इन्जि, ✧ ओना विचर मन्हता.

14 अदिनेनाहक वायनव दियाने, माट उड्लोरा लेहका मनवल. ✧ बोळसे मन्कलोर तमा सत्रल बुदते, माक लेसिह कीयनदायो. ✧ ओर काऱहतव दुस्माड-दुस्माड पोल्लोन केंजिसि, वळ्यु इके-अके तिर्हतनद ओडाता लेहका माट आयनदायो. ✧

15 अद्रम आयवा, माट ओर्विहक-ओवोर्गे जीवा कीसोर, देवुळता सेतेमता पोल्लो वळहककल. इद्रमलेहका माट बेर्सिसि सबे पोल्लोने, मावा तलाता लेहकाडोगु ✧ किस्तुना लेहका आयकल. ✧

16 बेद्रम पूरा मेंदुलि सीराना मेटेने जोळेम आस मन्हता; ओसो कयक-कालक, कोंडाड बाताड, आपुना-आपुना कबळतुन बेस कीतेकेन, मेंदुलि बेस बेर्सिहता; अद्रमलेहकाने विस्वसिरा मुल वने, ओर्विहक-ओवोर्गे जीवा कीसि, तम्क देवुळि

✧ 4:8 4:4-8 1 कुरिततोर 12:4 ✧ 4:10 4:10 1:23 ✧ 4:10 4:10 1:19-21; इब्रितोर 4:14-15; 7:26 ✧ 4:11-12 4:11-12 रोम सहरतोर 14:19; 2 कुरिततोर 13:9 ✧ 4:11-12 4:11-12 1 कुरिततोर 12:7 ✧ 4:11-12 4:11-12 बळयिर 21:8 ✧ 4:11-12 4:11-12 1 कुरिततोर 14:6 ✧ 4:11-12 4:11-12 बळयिर 13:1; 1 कुरिततोर 12:4 ✧ 4:13 4:13 योहन 6:69; इपिसुसतोर 1:17; पिलिपितोर 3:8,10-11 ✧ 4:13 4:13 1 कुरिततोर 2:6; 14:20; ग्लातितोर 4:19; कुलुसितोर 1:28; 2 पत्र 1:4 ✧ 4:14 4:14 1 कुरिततोर 14:20 ✧ 4:14 4:14 1 कुरिततोर 3:19; 2 कुरिततोर 4:2; 11:3 ✧ 4:14 4:14 इब्रितोर 13:9; याकुब 1:6; यहदाल 12 ✧ 4:15 4:15 1:22 ✧ 4:15 4:15 1 कुरिततोर 11:3; 1 पत्र 2:1-3

ईतद कबळतुन बेस-नेहना कीतेकेन, विस्वसते बेर्ससोर दास्तोर.✧

किर्स्तुनगाने पूना पिसमुळ दोर्किहता

17 अदिनेनाहक नना सामिना अदिकरते मीक इद्रम वेहतलाह आतनः देवुळतुन पुनवोर ताकनद अगदे ताकमाटु.✧ ओर बेव विचर्कने ताकिह्तोर, अव सबे उगसताड आंदुड.✧

18 ओरा बुद कैगम आसि,✧ गंगा पोयतप लेहका आता. देवुळता अगदुन, ताना पोल्लोतुन, मुर्तिय पुनोर.✧ अदिनेनाहक तानगडाह एगिसि, देवुळ इयनद पिसमुळतुन दोर्किह केवोर.✧

19 ओरिहक मुर्तिय लजा वावो, ओरु विचर वातपु करबताड कबस्क कीयलाह गिर्दा आस्तोर. सबे रीतिनाड साखाल बुदताड कबस्किन कीसोरेन मन्हतोर. ओरा लालुस बेस्केन मारो.✧

20 मति किर्स्तुना लोप्पा मीट कगयतिर, अव पोल्लोड इद्रमताड आयोड,✧(अदिनेनाहक ओरा लेहका माट पिसनद आयो).

21 मीट किर्स्तुना लोप्पाडाड पोल्लोन निटम केंजतिर, ओसो येसु वेहतद सेतेम पोल्लोतुन ओनाड सेवकिरगडाहि कगयतिरे.✧

22 इद काऱहमुळता इसबते, मीट मुने ताकिदिर अद पाळना बुदतुन पोहचीम्हटु.✧ मीट अद मुनेता बुदते मनदहपा, लाग्वाड कबस्क कीयलाह लालुस कीदिर. अद लालुस मीक लेसिह कीसि बूळे कीदु.✧

23 ओसो मीट कगयतप, देवुळ मीक पूना बुदि, पूनाड विचर्क ईयि.✧

24 अद पूना बुदतुनु, देवुळि तना सेतेम पोल्लोता मेटे, तना लेहका सेतेम कीता, पवित्र कीता.✧ अदिनेनाहक मीवा पाळना बुदतुन पोहचि, देवुळ ईतद पूना बुदते ताकाटु.✧

✧ **4:16 4:16** रोम सहरतोर 12:4-5; इपिसुसतोर 2:21; 1 पत्र 2:1-3 ✧ **4:17 4:17** 2:2

✧ **4:17 4:17** कुलुसितोर 2:18; 1 पत्र 1:18-19; 2 पत्र 2:18 ✧ **4:18 4:18** मार्कल

3:5; रोम सहरतोर 11:7 ✧ **4:18 4:17-18** बळयिर 3:17; 17:30; रोम सहरतोर 1:21-22;

इब्रितोर 5:2; 9:7; 1 पत्र 1:14 ✧ **4:18 4:18** 2:1,12 ✧ **4:19 4:19** रोम सहरतोर

1:24-26,28; कुलुसितोर 3:5; 1 तिमोति 4:2 ✧ **4:20 4:20** मत्याल 11:29 ✧ **4:21**

4:21 रोम सहरतोर 10:14; इपिसुसतोर 1:13; कुलुसितोर 1:6-8; 2:7 ✧ **4:22 4:22** रोम

सहरतोर 6:6; इब्रितोर 12:1; याकुब 1:21; 1 पत्र 2:1-3 ✧ **4:22 4:22** 2 कुरिततोर 11:3;

इब्रितोर 3:13 ✧ **4:23 4:23** रोम सहरतोर 12:2; कुलुसितोर 3:10 ✧ **4:24 4:24** 2

पत्र 1:4 ✧ **4:24 4:24** रोम सहरतोर 6:2-4; 12:2; 13:14; इपिसुसतोर 2:10; कुलुसितोर

3:12

25 इंजेके पूनोर मन्कलोर आताहकु, इद्रमलेहका मन्हटु: माट उंदिय मेंदुलतोरल महनल, ☆ अदिनेनाहक जोल वळ्हकनदिन विळिससि, ओर्विहक-ओर्वीना संगे सेतेम वळ्हकाटु. ☆

26 बेचोन ओड वातेक तेला, अद ओड मीक पापमते अर्हमाकि. ☆ पोळद अनवाये मीवा ओड रेगि!

27 मीवा जीवातगा देयहकना मुक्यान नेडलाह अग एमाटु. ☆

28 मियगा बोर बोर मुने कलसोर वातोर, ओर इंजेके कलमाकिर. मति तमाड कय्कने नाळेह केवालेवा, कबळ कीथिर. अस्के ओर तमा कहटेमते कमय कीसि, गर्ज अरतोरिहक ईया वने पगयनुर. ☆

29 बेदे लाग्वा पोल्लो मीवा तोडटग्डाहि पेसमाकि, ☆ मति केंजवालोरिहकु पाय्दा आयनव पोल्लोड पेसिड! ओरिहक बातालता गर्ज मन्हता, तान ऊळिसि, ओरा कबळतुहक अरयनव पोल्लोड वळ्हकाटु. ☆

30 मीट देवुळता मन्कलोरि आतिर, आकि्र दियाते देवुळि मीक पूरा विळिसह कीयगा इनजोर तोहतलाहि, तना पवित्र जीवातुन, मीक उंद सीनाता लेहका ईता. ☆ अदिनेनाहक देवुळता पवित्र जीवातुन दुकम आनाह केमाटु. ☆

31 कोटुल कीयना, ओड आयना, कुळसा आयना, वर्केयना, लजा कीयना, इव सबेटविस्किन लाग्वाड: पोल्लोना संगे, मीवा जीवातग्डाह जेक कीम्हटु. ☆

32 ओर्विहक-ओर्वीग गूनमते मन्हटु, ओसो दुसोरिन ऊळिस जीवा लोपवालोरि आम्हटु. किर्स्तुना मेटे देवुळि मीवा पापमतुन मापि कीता. ☆ अद्रमे मीट वने ओर्वीना-ओर्वीग कीतव कसुर्किन मापि कीसीम्हटु. ☆

5

वेहचता पिसमुळि

☆ **4:25 4:25** रोम सहरतोर 12:4-5 ☆ **4:25 4:25** जकर्याह 8:16; कुलुसितोर 3:9
 ☆ **4:26 4:26** देवुळताड पाटाड 4:4; याकुब 1:20 ☆ **4:27 4:27** याकुब 4:7 ☆ **4:28 4:28** लकाल 3:11; बळथिर 20:35; 1 कुरिततोर 4:12; 1 तिसलुनितोर 4:11-12; 2 तिसलुनितोर 3:7-8,11-12; 1 तिमोति 6:18; तीतुस 3:14 ☆ **4:29 4:29** मत्याल 12:34; इपिसुसतोर 5:4; कुलुसितोर 3:8 ☆ **4:29 4:29** सभोपदेशक 10:12; रोम सहरतोर 14:19; कुलुसितोर 4:6; 1 तिसलुनितोर 5:11 ☆ **4:30 4:30** 1:13 ☆ **4:30 4:30** यशायाह 63:10
 ☆ **4:31 4:31** रोम सहरतोर 3:14; कुलुसितोर 3:8,19; 1 पत्रु 2:1-3 ☆ **4:32 4:32** मत्याल 6:14-15 ☆ **4:32 4:32** 1 कुरिततोर 13:4; 2 कुरिततोर 2:7; इपिसुसतोर 5:1; कुलुसितोर 3:12-13; 1 पत्रु 3:8

1 मीट देवुळताड पिलाड-पेकोरिर आतिर, अद मीक जीवा कीता, अदिनेनाहक देवुळ कीयना लेहका, मीट वने कीम्हटु.✧

2 किर्स्तु माक जीवा कीसि, मयेनाहक डोलिस मन्जि, तना मेंदुलतुन गम-गम एस्कतद, देवुळतुहक विचर वायनद मोक ईतोग.✧ बेद्रम किर्स्तु माक जीवा कीतोग, अद्रम मीट वने ओर्विहक-ओर्वोग जीवा कीसोर मन्हटु.✧

3 साट्याल कबळि, करब बुदताड सबे कबस्कु, लालुसि, इव कबस्किन मीट कीयनद आयो. इविस्कना लोप्पा वळहकनद वन आयो. इव पोल्लोड देवुळता मन्कलोरिहक ओप्पना लेहकाडाड आयोड.✧

4 लजाताड पोल्लोड, बुदलेवव पोल्लोड, करबताड कब्डे पोल्लोड, इव मीक ओप्पना लेहकाडाड आयोड.✧ मति देवुळतुन जोहर कीयनव पोल्लोडे, मीक ओप्पनव पोल्लोड आंदुड.

5 साट्याल मन्कल, करब बुदतोग मन्कल, कोताना, सामनता लालुस आयवाल मन्कल (अद्रम कीयना इतेके, बोमापूजा कीतपे आस्ता), किर्स्तु ओसो देवुळि राजेम ताकिह कीयनगडा मुडोग आया पगवोग,✧ इद पोल्लोतुन बेस-नेहना पुनदकिर!

6 बोगे कबळतुहक अरवव पोल्लोड कागहच, मीक लेसिह कीयलाह एमाटु.✧ देवुळता पोल्लो केंजवोर अद्रमताड कबस्क कीस्तोर,✧ अदिनेनाहक अद ओरिहक निटम पका सिकसा ईस्ता.✧

7 अदिनेनाहक ओर अद्रमताड कबस्क कीयहपा, मीट कलियमाटु.✧

8 मुने मीट ईकळते मतप लेहका तार्किदिर,✧ मति इंजेके मीट सामिना लोक्रुरि आताहकु, देवुळता वेहच मियगा मन्हता.✧ अदिनेनाहक वेहचतगा मनवालोरि लेहकान ताकाटु.✧

9 अह ताकतेके मीट बेसताड केवालोरिर, कर्तुळते मनवालोरिर, सेतेमते पिसवालोरिर आयकिर.

10 अमेसा सामिहक विचर वायनव पोल्लोड बेव इनजोर पुन्हटु.✧

✧ **5:1 5:1** मत्याल 5:48; लूकाल 6:36; इपिसुसतोर 4:32; पिलिपितोर 2:15 ✧ **5:2 5:2** पेममुळि 29:18,25; योहन 6:51; 13:34; रोम सहरतोर 4:24-25; 8:37; 2 कुरिततोर 2:15; इपिसुसतोर 5:25; इब्रितोर 7:27; 9:14; 10:12 ✧ **5:2 5:2** रोम सहरतोर 14:15; कुलुसितोर 3:14 ✧ **5:3 5:3 1** कुरिततोर 6:18-20 ✧ **5:4 5:4** इपिसुसतोर 4:29 ✧ **5:5 5:5 1** कुरिततोर 6:9-10 ✧ **5:6 5:6** कुलुसितोर 2:8 ✧ **5:6 5:6 2:2** ✧ **5:6 5:6** रोम सहरतोर 1:18; कुलुसितोर 3:6 ✧ **5:7 5:6-7 2** कुरिततोर 6:14 ✧ **5:8 5:8 2:11** ✧ **5:8 5:8** बळथिर 26:18; कुलुसितोर 1:11-13 ✧ **5:8 5:8 1** योहन 2:8 ✧ **5:10 5:10** रोम सहरतोर 12:2

11 ईकळते ताकवालोरौड पाय्दालेवाडः कबस्किनगा कलियमाट. ✨ मति ओरोडः कबस्किन पिडम-पडम तेळियिह कीम्हट्ट. ✨

12 ओर मकिस मकिस कीयनव कबस्किन वळ्हकलाह वने लजा वास्ता.

13 ईकळते मनदनद मादुन वेहचतगा ततस्के, अद निटम बाताल मालु इनजोर दिसिहता. ✨ अद्रमे मकिस मकिस कीयनव कबस्किन पेसिह कीयहपा, अव बेद्रमताडः इनजोर दिसिहताडः.

14 बेव कबस्किनगा वेहच दीचिहता, अव वने दीचिहताडः. अदिनेनाहक इद्रम वेहतद मन्हता:

“ए पापमते उंजवानिन! तेदा!

देवुळतगडाहि एगिसि, डोलतप लेहका मनवानिन.

इंजेके जीवा अर्मु! ✨

किर्स्तु तना वेहचतुन नीवा पोगोन अर्हतनोग ✨”

इनजोर वेहतद मन्हता.*

15 अदिनेनाहक नना वेहतलाह आतनः मीट बेद्रम ताकलाह आतिर इनजोर, बेस-नेहना ऊळाट! बुदलेवोरा लेहका ताकमाटु! बुदतोर, तेल्वतोरा लेहका ताकाटु!

16 इद कालमतोर लोकर लागोर, ✨ अदिनेनाहक किर्स्तुना साक्सि आयलाह, मीक मोका दोर्कतेके, तान विळसमाट. (पया मीक मोका दोर्को आयगा.) ✨

17 तेल्वलेवा मनमाटु, मति सामिहक विचर वायनद पोल्लो बाताल इनजोर, बेस पुन्हट्ट. ✨

18 कल उन्जि ओचिस मनमाट. अद्रम मतेक अचोन, मीवा रिमाते तिरियसोर, ओप्पवव कबस्क कीकिर. ✨ मति मीट अद्रम मनवा, देवुळता जीवाते पूरा निदिस मन्हट्ट. ✨

19 निदिस मन्जि, देवुळता सास्त्रमताडः पाटाडः ओसो रीतरितीनाडः पाटाडः, इविस्कने सामिना जोहर कीसोर, मीवा पूरा जीवाताहि ओसोर मन्हट्ट. ✨

✨ 5:11 5:11 2 कुरिततोर 6:14; 2 योहन 11 ✨ 5:11 5:11 रोम सहरतोर 13:12; 1 तिमोति 5:20,22 ✨ 5:13 5:13 योहन 3:20-21 ✨ 5:14 5:14 यशायाह 26:19; 60:1; रोम सहरतोर 13:11 ✨ 5:14 5:14 लूकाल 1:76-79 * 5:14 5:14 पोगोटा पोल्लो सास्त्रमता वचन आयो, मति पोलुना कालमता बेदो उंद पाटा मनदगा बहे. ✨ 5:16 5:16 ग्लातितोर 1:4 ✨ 5:16 5:15-16 कुलुसितोर 4:5 ✨ 5:17 5:17 रोम सहरतोर 12:2; 1 तिसलुनितोर 4:3 ✨ 5:18 5:18 बुदताडः पोल्लोडः 20:1; 23:31-32; 1 कुरिततोर 5:11; 1 तिसलुनितोर 5:7 ✨ 5:18 5:18 रोम सहरतोर 13:13 ✨ 5:19 5:19 1 कुरिततोर 14:15,26

20 ओसो मावा येसुसामि किर्स्तुना पेदिरते, सबे पोल्लोनेनाहक, देवुळबाबान अमेसा जोहर कीसोर मन्हट्ट.✧

21 मीट किर्स्तुन मान ईयनाहकु, मीवा मुडोर सबेटोरिर ओर्विहक-ओर्वोग वरेम आस मन्हट्ट.✧

मुजोर-मुतेस्क बेद्रम मनदना

22 अद्रमे मीट मुतेस्कनिर, सामिहक वरेम आस मतप लेहका, मीवाड मुजोरिहक वरेम आस मन्हट्ट.✧

23 बाराहक इतेके, तला मेंदुलतुन ताकिह कीतप लेहका, किर्स्तु विस्वसिरा मुडुन ताकिह कीस्तोग.✧ अद मुडुन पिसिह वन कीतोग ओगे. मुजो वने तनमुतेना तलालेहकान मन्हट्टोग.✧

24 विस्वसिरा म्लु किर्स्तुहक वरेम आस मनदना लेहकान, मुतेस्क वने सबे पोल्लोने तमाड मुजोरिहक वरेम आस मनदना.

25 मुजोरिर! किर्स्तु विस्वसिरा मुडुन जीवा कीतप लेहकान, मीट वने मीवाड मुतेस्किन जीवा कीम्हट्ट.✧ ओग विस्वसिरा मुडुन जीवा कीतोग, ओसो ओरेनाहक तना कुदि जीवा ईतोग.✧

26 ओरिन एगलेहकाडा तना पोल्लोते एडिह कीस,✧ तनेनाहक एगिह कीयलाहि,✧

27 मुर्तिय कसुरलेवा, बाताले कमिलेवा, बाताले डागिललेवा, पूरा पवित्रता सोबा अगके तनगा ततलाहि,✧ तना जीवा ईतोग.✧

28 मुजोर आपुनाड-आपुनाड मेंदुस्किन बेद्रम जीवा कीस्तोर, अद्रम तमाड मुतेस्किन वने जीवा कीयना.✧ तमाड मुतेस्किन जीवा केवालोर, तम्क वने जीवा कीस्तोर.

29 माट मावाड मेंदुस्किन जीवा कीयहनले. किर्स्तु विस्वसिरा मुडुन अय कीयना लेहका, माट वने मावाड मेंदुस्किन तीहतहनल, अय कीयहनल.

✧ 5:20 5:20 रोम सहरतोर 1:8 ✧ 5:21 5:21 गलातितोर 5:13; मिलिपितोर 2:3

✧ 5:22 5:22 1 कुरिततोर 14:34-35; कुलुसितोर 3:18; तीतुस 2:5; 1 पत्र 3:1 ✧ 5:23

5:23 1:22 ✧ 5:23 5:23 1 कुरिततोर 11:3 ✧ 5:25 5:25 कुलुसितोर 3:19;

1 पत्र 3:7 ✧ 5:25 5:25 5:2 ✧ 5:26 5:26 योहन 15:3; 17:17; बळयिर

22:16; कुलुसितोर 3:16; तीतुस 3:4-5; 2 पत्र 1:9 ✧ 5:26 5:26 तीतुस 2:14;

इब्रितोर 10:9-10,14,22,29; 13:12 ✧ 5:27 5:27 2 कुरिततोर 4:14; इपिसुसतोर 1:4

✧ 5:27 5:26-27 2 कुरिततोर 11:2; तोहचीतव पोल्लोड 14:3-4 ✧ 5:28 5:28 1 पत्र

3:7

30 माट सबेटोरल किर्स्तुना मेंदुलतोरल, ✨ अदिनेनाहक किर्स्तु माक अय कीस्तोग।

31 मुजो ओसो मुतेना पोल्लोता लोप्पा देवुळता साङ्गम इद्रम वेहतहता: अदिनेनाहक मुतेन ततस्के, कोय्तोग तनाड तलोग-तपेना अदिकरते मनवा, वेर आळ इर्वुर जोळेम आसि, उंदिय आस मनदनुर, ✨ इनजोर वेहतहता.

32 इद वचनतगा मकिस मतदु, पका मोदुल पोल्लो आंदु. नना किर्स्तुना ओसो विस्वसिरा मुडा लोप्पाडा पोल्लोतुन वेहतलाह आतन. ✨

33 मति देवुळता साङ्गमताड पोल्लोड मियेनाहक वने रासतव मन्हताड. मीट ओर्वोग-ओर्वोग मुजो कुदतुन जीवा कीयना लेहका, आपुना-आपुना मुतेन जीवा कीयना. ✨ उंद-उंद मुते वने आपुना-आपुना मुजोहक मान ईयि. ✨

6

पिलाड-पेकोर बेद्रम पिसना

1 पेकोरिर! मीट सामिना संगे जोळेम आताहक, मीवाड तलोग-तपेराड पोल्लोने वरेम आस मन्हटु! अद्रम कीयनदे ओप्पिहता. ✨

2-3 नीवा तलोग-तपेहक मान ईम इनजोर, देवुळि उकुम ईता. अद्रम कीतिक अचोन नियेनाहक सबे बेस मनदनुड, इद बूमतगा वेल्लाडे दियाड पिसकिन इनजोर वने, करल कीता. ✨ करलता संगे कलियतद इद मुनेता उकुम आंदु. ✨

4 तपेरिर! मीवाड पिलाड-पेकोरिन उगस ओड वानाह केमाट, ✨ मति ओरिन सामिनाड पोल्लोड कागहचि, अविस्कने बुदि वेहचोर अय कीम्हटु. ✨

ओर्युलतोग ओसो माल्काल बेद्रम मनदना

5 ओर्युलतोरिर! इद बूमतगा मीवाड माल्कालोर मनवालोर पोल्लोते, वरेम आसि ताकाट. मीट किर्स्तुना पोल्लोतुन केंजिस मतप लेहकान, ओरिहक रेयिस मन्जि, बेरोर इनजोर मान ईसि, आपुना जीवाताहि ओरा पोल्लोतुन केंजिस ताकाट. ✨

✨ 5:30 5:30 1 कुरिततोर 6:15; 12:27 ✨ 5:31 5:31 पुटमुळि 2:24; मत्याल 19:5; मार्कल 10:7-8; 1 कुरिततोर 6:16 ✨ 5:32 5:32 तोहचीतव पोल्लोड 19:7 ✨ 5:33 5:33 1 पत्र 3:7 ✨ 5:33 5:33 1 पत्र 3:2,5-6 ✨ 6:1 6:1 बुदताड पोल्लोड 6:20; 23:22; कुलुसितोर 3:20 ✨ 6:2-3 6:2-3 पेममुळि 20:12; व्यवस्थाविवरण 5:16 ✨ 6:2-3 6:2-3 1 तिमोति 5:4 ✨ 6:4 6:4 कुलुसितोर 3:21 ✨ 6:4 6:4 पुटमुळि 18:19; व्यवस्थाविवरण 6:7; 11:19; देवुळताड पाटाड 78:4; बुदताड पोल्लोड 22:6; 2 तिमोति 3:15 ✨ 6:5 6:5 1 तिमोति 6:1; तीतुस 2:9; 1 पत्र 2:18

6 सिरप ओर ऊळिहपा, बेसता कबळ कीकन इनजोरेन, मीट कबळ केमाटु, ✧ मति माट किस्तुना ओर्युलतोरोग इन्जि, ✧ मीवा जीवाताहि देवुळता विचर मतप कीम्हटु.

7 लोकुरा सेवा कीयना लेहका आयो, मति सामिना सेवा कीयना लेहका, जिदते मीवा कबळतुन कीम्हटु. ✧

8 ओर्युलतोग आयेग, ओर्युल आयवोग आयेग, तना कीयनद बेसता कबळता इसबते, देवुळि ओन्क बूति ईयगा इनजोर, ✧ मीट पुतिरे.

9 माल्कालोरिर! मीट वने मीवा ओर्युलतोरिन बेस-नेहना तासाटु. मीवा ओसो ओरा माल्काल पोगोन मन्हतोग, ✧ ओग मोकम ऊळिस नेयम केवाल आयोग ✧ इदिन पुन्जि, ओरिन रेय्पिह कीयना, दगाड ईयना, इद्रम केमाटु. ✧

देयहकिन बेद्रम लळय कीयना

10 इंजेके आक्रिते इव पोल्लोड रासिहनन: बेरा लावता सामिनाहि, मीवा जीवातुहक लाव दोर्कि. ✧

11-13 केंजाट, मन्कलोरा संगे मावा लळय इले, ✧ मति इद बूमतगा ईकळता राजेमतुन ✧ ताकिह कीयनव, देयमदीपते मनदनव लाग्वाड देयहक, इविस्कना संगे मन्हता. ✧ अदिहकु (लळय केवाल सीपय, तना संगे वीस्नाड पोयतना लेहका,) मीट वने देयहकना मुक्याना संगे लळय कीयलाहि, देवुळताड सबे वीस्नान पोयम्हटु. अस्के मीट देयहकना मुक्यानाड नाळेह कीयनव आयडाना अडम निचि, तान गेल्स पगयकिर. ✧ बेस्के अद मीक बूळे कीयलाहि ऊळगा, अस्के ताना मुनेह निचि, तान गेल्स पगयकिर. लळयतेनाहक मीट पूरा तयर आस मन्जि, देवुळताड वीस्नान पोस मन्जि निता पगयकिर. ✧

14 इद्रमलेहका तयर मन्हटु: (लळयतस्के सीपयक बेस वितना इन्जि,) नंडटगा पेटा दोहतप लेहकान, मीट देवुळता सेतेम पोल्लोतुन पोस ताकाटु. ✧ अर्युलतुन राका

✧ 6:6 6:5-6 कुलुसितोर 3:22 ✧ 6:6 6:6 1 कुरिततोर 7:22 ✧ 6:7 6:7 कुलुसितोर 3:23-24 ✧ 6:8 6:8 2 कुरिततोर 5:10; कुलुसितोर 3:11,23-25 ✧ 6:9 6:9 अय्युब 31:13-14; योहन 13:13-16; कुलुसितोर 4:1 ✧ 6:9 6:9 व्यवस्थाविवरण 10:17; बळयिर 10:34 ✧ 6:9 6:9 लैव्यव्यवस्था 25:43 ✧ 6:10 6:10 1 कुरिततोर 16:13; इपिसुसतोर 1:19-20; 2 तिमेति 2:1; 1 पत्र 4:11 ✧ 6:11-13 6:11-13 2 कुरिततोर 10:4 ✧ 6:11-13 6:11-13 बळयिर 26:18; कुलुसितोर 1:13 ✧ 6:11-13 6:11-13 1:21; 2:2; 3:10 ✧ 6:11-13 6:11-13 2 कुरिततोर 2:11 ✧ 6:11-13 6:11-13 रोम सहरतोर 13:12; याकुब 4:7 ✧ 6:14 6:14 यशायाह 11:5

कीयलाहि, कचता जगा केगतप लेहकान, मीवा कर्तुळ मीक देयहकना डावताहि राका कीयि. ✨ 15 किर्स्तु माक देवुळता संगे कलियिह कीतोग, इद बेसता कबुरतुन नमिसि, सुकमते निच मन्हट्ट. सीपय्कनाड काल्क बळ्ळस अनवाहु, बेस मोक्किह कीस तासनव बूट्कना लेहकान, ✨ (इद पोल्लो मीक मीवा विस्वसते कोदुर ईस अरयलाह एवो).

16 तम्क राका कीयलाहि सीपय्क बेरा डालि पोयहतोर, अद्रमलेहकान मीट विस्वसतुन पोस मन्हट्ट. देयहकना मुक्यानाड* किसताड कानिनलेहकाडाड आड्डानाहि, ✨ मीवा विस्वसिये मीक राका कीस्ता. †

17 सीपय्कु तमा तलातुन राका कीयलाहि कचता टोपि मुचिहतोर, अद्रमलेहकाने देवुळि मीक गेल्लिह कीयनद पोल्लोतुन बेस-नेहना पोस मन्हट्ट. ✨ ✨ (देयहकना मुक्याल मीवा अडम वास्ता अस्के, सीपय्क तमाड तल्वर्क पोयतपु.) देवुळता पोल्लोतुन मीट वळहकाट्ट, अद पोल्लो देवुळता जीवा मीक ईतद तल्वर आंद. ✨

18 अद जीवा मीक ताकिह कीयना लेहका, अमेसा सबे पोल्लोनेनाहकु, पार्तना कीसि देवुळतुन वेहाट्ट. ✨ देवुळता मन्कलोर सबेटोरेनाहक, आरेम आयवा पार्तना कीसोर मन्हट्ट. ✨

19-20 मन्कलोर मुने पुनवालेवा मंदुर, अद पोल्लोतुन बेसता कबुरते, देवुळि इंजेके पुन्पिह कीता. तान पोक्कुर कीयलाहि, किर्स्तु नाक लोहतोग. ✨ अदिनेनाहक कोनि इंजेके नना जेलतगा महनन. नना तान पोक्कुर कीयनाये, अद नावा कबळ आंद. अद इसबते देवुळि नावा तोडटगा पोल्लोड ईयि, नना रेयवालेवा वेहतलाहि, नयेनाहक वने पार्तना कीम्हट्ट. ✨

✨ 6:14 6:14 यशायाह 59:17; 1 तिसलुनितोर 5:8 ✨ 6:15 6:15 यशायाह 52:7; रोम सहरतोर 10:15 * 6:16 6:16 देयहकना मुक्यानाड मोदुल कागिदते "लागदिनाड". ✨ 6:16 6:16 देवुळताड पाटाड 7:13; 120:4 † 6:16 6:16 मुनेटा कालमते सीपय्कु लळय आयनामुने, राकातहक पोयनव डालिनु, एतगा बेस नाहचि तासिंदुर. अदिनेनाहक लळय आतस्के, विस्दतोर एसतव किसताड कानिड अविस्किन दल्लिसि पिळ्ळुड. ✨ 6:17 6:17 यशायाह 59:17 ✨ 6:17 6:16-17 1 तिसलुनितोर 5:8 ✨ 6:17 6:17 यशायाह 49:2; होशे 6:5; इब्रितोर 4:12 ✨ 6:18 6:18 ल्काल 18:1; रोम सहरतोर 8:26; कुलुसितोर 1:3-5; 1 तिसलुनितोर 5:17; यहूदाल 20 ✨ 6:18 6:18 रोम सहरतोर 12:12; पिलिपितोर 4:6; कुलुसितोर 4:2; 1 तिमोति 2:1 ✨ 6:19-20 6:19-20 रोम सहरतोर 16:25; 2 कुरिततोर 5:20; इपिसुसतोर 3:3,9 ✨ 6:19-20 6:19-20 रोम सहरतोर 15:30-31; 2 कुरिततोर 3:12; पिलिपितोर 1:20; कुलुसितोर 4:3-4; 1 तिसलुनितोर 5:25

सीटटा आक्रिता पोल्लो

21-22 तुकिकुस इनवाल* नयगडा सबे कबुरतुन मीक वेहतनोग, ओसो मीवा जीवातुहक दीरा ईयनोग, अदे कबळतेनाहक ओन मियगा लोहतन.* ओग सामिना सेवाते मावा ऐगेटोग ओसो बेस गोततोग आंदोग, अहे बर्वस लायकतोग आंदोग.

23 मावोर विस्वसिरर, मीक सबेटोरिहक सुकम दोर्कि! देवुळबाबाल ओसो येसुसामि किर्स्तु मीक ओर्विहक-ओर्वोग जीवा कीयनाह, किर्स्तुनगा विस्वस ताससोरैन मनदनाह कीयिर.*

24 मावा येसुसामि किर्स्तुन रोमवालेवा जीवा केवालोर सबेटोरा पोगोन देवुळि देव्या ईयि.

* 6:21-22 6:21-22 बळयिर 20:4

* 6:21-22 6:21-22 कुलुसितोर 2:1-3

* 6:23 6:23 2 कुरिततोर 13:11

Hill Madia
Hill Madia standard translation

copyright © 2021 Wycliffe Bible Translators, Inc.

Language: (Maria)

Contributor: The Seed Company

All rights reserved.

2025-05-15

PDF generated using Haiola and XeLaTeX on 14 May 2025 from source files
dated 15 May 2025

9f0bdb58-21f8-514e-8286-5b2942b7d458